

二十四史九通政典類要合編

三國

第九冊

二十四史九通政典類要合編
三國
第九冊
PDG

二十四史九通政典類要合編三國目錄

卷五十九

三國一

帝系

諡號

改元

魏后妃

蜀后妃

吳后妃

太皇太后

皇太后

皇太子

公主王主

卷六十

三國二

帝系

魏親屬

蜀親屬

吳親屬

宮人

卷六十一

三國三

封建

魏同姓諸侯

異姓諸侯

蜀宗室

吳宗室

魏外戚

蜀外戚

吳外戚

卷六十二

三國四

職官

三公官屬附

丞相官屬附

黃門侍中諫議官屬附

中書省官屬附

尚書令官屬附

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

尙書官屬附

御史臺官屬附

九卿官屬附

祕書監官屬附

殿中監官屬附

內侍

省 太學博士

都水使者

左右衛

大將軍雜號將軍

中郎將雜中郎將

都

尉雜號都尉

東宮官東宮官屬

州郡官牧官屬州郡

文散官

武散官諸校尉附

護軍將

軍

內官

祿秩

王侯封爵

官品

卷六十三

三國五

選舉

卷六十四

三國六

學校

太學

辟雍

郡國學

詞祭哀贈

養老乞言

附儒林傳

卷六十五

三國七

庶政

戶口

風俗

使命

質任

貢獻

賞賚

附循吏傳

卷六十六

三國八

歷法

改厯

天文

符瑞

占候

卷六十七 三國九

方輿

都邑 州郡 宮苑 渠堰 關津 棧道 形勢

卷六十八 三國十

食貨

田賦 屯田附積穀 榷酤 錢幣 鹽鐵 漕運 振貸 度支

卷六十九 三國十一

禮賓軍

郊天祭告方丘神 大雩 明堂 朝日夕月 大禘附臘 社稷 山川

藉田 先蠶 宗廟諸藏神主及題板附 祫禘時享薦新附 功臣配享 上陵

祀名臣 詞孔子釋奠附 巡狩 封禪 禋祠 高禪 諸雜詞

天子加元服皇太子皇王公冠附 天子册后妃皇太子納妃諸王婚公主嫁附 讀時令 朝會即位附

以上 禮 講武 校獵 天子出征命將出征附 合朔代鼓以上軍禮

卷七十 三國十二

禮凶

喪服及山林制

天子爲大臣諸親舉哀

甲大臣服附

凶禮雜禮

秀孝爲舉將服

郡縣吏爲守令服

師弟子相爲服

朋友相爲服

凶禮雜議

輿服諸制

卷七十一

三國十三

樂

卷七十二

三國十四

兵

軍法

兵制

論將附拔

將畧

舟師

車戰

教閱

刑

刑制

肉刑議

赦宥

詳讞

贖刑

流配

卷七十三

三國十五

四裔

烏丸

鮮卑

軻比能

夫餘

高句麗

東沃沮

挹婁

濊

馬

韓

辰韓

弁韓

弁辰

倭

匈奴

板楯蠻

滇

冉駝

丁

令

短人

氏

堅昆

蔥朶羌

呼得

驢分

澤散

邊防

二十四史九通政典類要合編卷五十九

三國一

帝系

諡號 改元 魏后妃 蜀后妃 吳后妃 太皇太后 皇太后 皇太子 公主王主

魏太祖曹操字孟德

一名吉利 小字阿瞞

沛國譙人祖騰漢中常侍大長秋封費亭侯加特進追諡曰高皇帝

父嵩字巨高為騰養子莫能審其生出本末嵩生太祖太祖少機警有權數而任俠放蕩年二十舉

孝廉為郎除洛陽北部尉遷頓丘令由郡守徵為典軍校尉董卓之亂潛歸陳留初平元年從袁紹

等起兵稱欲誅卓為東郡太守興平二年拜兗州牧建安元年奉迎獻帝都許為大將軍封武平侯

十五年為丞相十八年為魏公二十一年進爵魏王二十五年正月辛年六十六子丕嗣十月廢帝

為山陽公篡位追諡操為武皇帝廟號太祖葬高陵

魏志武帝紀

漢末天下大亂雄豪並起袁紹虎眈四州疆盛莫敵太祖運籌演謀鞭撻宇內擊申商之法術該

韓白之奇策官方授材各因其器抑可謂非常之人超世之傑矣

陳壽評

文皇帝丕字子桓武帝太子也中平四年冬生於譙

魏書曰帝生時有雲氣青色而圓如車蓋當其上終日望氣者以為至貴之證

建安十

六年為五官中郎將副丞相二十二年立為魏太子太祖崩嗣位為丞相魏王漢帝以眾望在魏乃

召羣公卿士持節奉璽綬禪位

於是尚書令桓階等奏曰今漢氏之命已四至而陛下前後固辭臣等伏以為上帝之臨聖德期運之隆大魏斯豈數載傳稱周之有天

下非甲子之朝殷之去帝位非牧野之日也故詩序商湯追本玄王之至述姬周上錢后稷之生是以受命既固厥德不回漢氏衰廢行次已絕三辰垂其徵史官著其驗耆老記先古之占百姓協譌

謠之聲陛下應天受禪當速即壇場柴燎上帝誠不宜久停神器拒億兆之願臣輒下
太史令擇元辰今月二十九日可登壇受命請詔王公羣卿具條禮儀別奏令日可
陽庚午王升壇即阼百官陪位事訖降壇視燎成禮而反改延康為黃初大赦丁巳帝崩于嘉福殿

時年四十魏書曰殯於崇華殿前六月戊寅葬首陽陵追諡為文皇帝廟號世祖魏志文帝紀

魏文帝以庚子受漢禪即皇帝位時年三十三在位七年丙午崩壽四十通考帝系考

文帝天資文藻下筆成章博聞彊識才藝兼該若加之曠大之度勵以公平之誠邁志存道克廣

德心則古之賢主何遠之有哉陳壽評

明皇帝叡字元仲文帝太子也魏書曰帝生數歲而有岐嶷之姿年十五封武德侯黃初二年為齊公三年為平原

王以其母誅故未建為嗣七年夏五月帝病篤乃立為皇太子丁巳即皇帝位二年春正月丁亥崩

于嘉福殿魏書曰殯于九龍前殿時年三十六癸丑葬高平陵魏志明帝紀

明皇帝年二十二以丁未嗣立即位十三年己未崩壽三十五通考帝系考按文帝於建安九年

十四年黃初九年合本紀十三年為三十五年當從通考納璽后明帝應生於十年歷建安二

明帝沉毅斷識任心而行蓋有君人之至槩焉于時百姓彫弊四海分崩不先事修顯祖闡拓洪

基而遽追秦皇漢武宮館是營格之遠猷其殆疾乎陳壽評

齊王諱芳字蘭卿明帝無子養王及秦王詢宮省事祕莫有知其所由來者魏氏春秋曰或云任城王楷子青龍三

年立為齊王景初三年正月丁亥朔帝病甚乃立為皇太子即皇帝位嘉平六年秋九月大將軍司

馬昭謀廢帝以聞皇太后令曰皇帝芳春秋已長不親萬幾遣芳歸藩于齊以避皇位魏世譜曰晉受禪封齊王

為郿陵縣公年四十三 魏志廢泰始十年薨諡曰厲公 帝紀

齊王芳年九歲以庚申嗣立有位十四年癸酉為司馬師所廢時年二十三通考帝系考

高貴鄉公髦字彥士文帝孫東海定王霖子也正始五年封鄉縣高貴鄉公少好學風成齊王廢公

卿議迎立即皇帝位於太極前殿甘露四年春正月黃龍二見甯陵縣界井中漢晉春秋曰是時龍仍見咸以為吉祥帝

日龍者君德也上不在天下不在田而數屈於井非嘉兆也作潛龍之詩以自諷司馬文王見而惡之帝見威權日去不勝其忿乃召侍中王沈尚書王經散騎常侍王業謂曰司馬昭之心路人所知也吾不能坐受廢辱今日當與卿自出討之王經曰昔魯昭公不忍季氏敗走失國為天下笑禍殆不測宜見重詳帝乃出懷中版令投地日行之決矣正使死何所懼況不必死邪帝自用劍眾欲退太子舍人成濟問充曰事急矣當云何充曰高貴汝等正謂今日今日之事無所問也濟即前刺帝刃出於背帝討司馬昭不克遇害司馬昭請收濟家屬付廷尉結正其罪魏氏春秋曰成濟兄弟不即伏罪祖魏志少而升屋醜言悖慢自下射之方瘞 帝紀

高貴鄉公東海定王霖子司馬師既廢齊王迎立之年十四以甲戌嗣立有位六年己卯以討司馬昭不克遇弒年二十通考帝系考

陳留王奐初名璜字景明燕王宇子甘露二年封安次縣常道鄉公迎立嗣明帝後在位五年為司馬炎所篡魏世譜曰封為陳留王年五十 魏志元 帝紀

陳留王名奐武帝孫燕王宇子司馬昭既弒高貴鄉公迎立之年十五以庚辰嗣立有位五年乙酉禪於晉通考帝系考

二十四史九通政典類要合編

卷五十九

三國

帝系

約雅堂藏板

右魏帝系 謚號

先主姓劉諱備字玄德涿郡涿縣人漢景帝子中山靖王勝之後也勝子貞元狩六年封涿縣陸城

亭侯坐酎金失侯因家焉

典畧曰備本臨邑侯枝屬也

先王祖雄父弘世仕州郡雄舉孝廉官至東郡范令先主

少孤靈帝末黃巾起州郡各舉義兵先主率其屬從校尉鄒靖討黃巾賊有功建安十九年先主領

益州牧二十四年進位漢中王二十五年魏文帝稱尊號或傳聞漢帝見害先主乃發喪制服卽皇

帝位於成都武擔之南章武三年夏四月癸巳先主殂于永安宮時年六十三五月梓宮自永安還

成都謚曰昭烈皇帝秋八月葬惠陵

蜀志先主紀

先主之弘毅寬厚知人待士蓋有高祖之風英雄之器焉及其舉國託孤於諸葛亮而心神無貳

誠君臣之至公古今之盛軌也

陳壽評

蜀漢昭烈皇帝名備涿郡涿縣人景帝子中山靖王勝之後以建安十九年甲午取蜀二十四年已

亥稱漢中王辛丑卽皇帝位三年癸卯崩壽六十三

通考帝系考

後主諱禪字公嗣先主子也建安二十四年先主爲漢中王立爲王太子及卽尊號爲皇太子

使

持節丞相亮授印綬先主殂後主襲位於成都時年十七在位四十一年降於魏太始

七年薨於洛

陽蜀記云謚曰

思公子恂嗣主紀

後主任賢相則爲循理之君惑闇豎則爲昏闇之后傳曰素絲無常生

昨所染之信矣哉陳壽評

後主名禪昭烈帝子年十二以甲辰嗣立
在位四十一年為魏所滅通考帝系考

按魏武於建安十三年下江陵破荊州
先主敗於長坂棄妻子走趙雲傳曰雲
身抱弱子弱子當即後主裴注亦指為
十二年生通考言十二歲嗣立與前後
年數不合似當從蜀志

右蜀帝系諡號

孫權字仲謀父堅字文臺吳郡富春人
蓋孫武之後也

吳書曰堅世仕吳家于富春葬於城東冢上數有光怪雲氣五色上屬於天
以討

黃巾賊有功封烏程侯袁術表堅行破
虜將軍領豫州刺史治兵於魯陽城進
討董卓初平三年術使堅擊劉表為黃
祖軍士所射殺權既稱尊號諡堅曰武
烈皇帝兄策既定諸郡時權年十五以
為陽羨長策薨以事授權曹公表權為
討虜將軍領會稽太守魏文帝踐阼封
吳王明年改元黃武稱皇帝神鳳元年
夏四月薨時年七十一諡曰大皇帝秋
七月葬蔣陵吳志孫權傳

孫權屈身忍辱任才尚計有句踐之奇
英人之傑矣故能自擅江表成鼎峙之
業陳壽評

吳大帝名權吳郡富春人長沙太守孫
堅之子討逆將軍策之弟漢末封吳王
及魏王丕篡逆權以辛丑歲稱帝在位
三十一年辛未崩壽七十一通考帝系考

孫亮字子明權少子也赤烏十三年太
子和廢遂立亮為太子明年四月權薨
即尊號太平二年九月戊午孫綝黜為
會稽王時年十六吳志孫亮傳

會稽王名亮大帝少子以壬申年嗣立
在位六年為權臣孫綝所廢庚辰歲亮
以謠言自殺通考帝系考

孫休字子烈權第六子大元二年正月封琅邪王居虎林四月權薨弟亮承統徙休會稽居數歲夢乘龍上天亮廢孫綝迎休之永安七年秋七月癸未薨時年三十諡曰景皇帝

吳志孫休傳

景帝名休大帝第六子會稽王亮之兄初封琅邪王戊寅歲孫綝廢亮迎而立之在位六年甲申歲

崩時年三十

通考帝系考

孫皓字元宗權孫和子也一名彭祖休立封皓爲烏程侯遣就國休薨丞相濮陽興左將軍張布迎

立之時年二十三在位十七年降於晉

吳志孫皓傳

歸命侯名皓大帝之孫太子和之子初封烏程侯景帝崩吳人迎立之晉咸寧末王濬等率兵伐之

皓戰敗詣軍門請降太康元年徙皓洛陽封歸命侯在位十七年壽四十

通考帝系考

右吳帝系

諡號

文帝黃初七年明帝太和六年青龍四年景初三年卽位十三年齊王正始九年嘉平六年卽位十

五年高貴鄉公正元二年甘露五年卽位七年陳留王景元四年咸熙二年卽位六年

通志帝系畧通考同

右魏自文帝受禪至陳留王禪晉合四十六年

通志帝系畧通考同

右魏改元

先主章武三年後主建興十五年延熙二十年景耀六年卽位四十一年

通志帝系畧通考同

右蜀二主四十二年爲魏所滅

通志帝系畧通考同

右蜀改元

大皇帝黃武七年黃龍三年嘉禾六年赤烏十三年太元元年神鳳元年卽位三十一年會稽王建興五鳳各二年太平三年卽位七年景帝永安七年歸命侯元興元年甘露元年寶鼎三年建衡三年鳳皇二年天冊元年天璽元年天紀四年卽位十六年

通志帝系畧

通考同

右吳四主合五十九年爲晉所滅

右吳改元

陳壽曰易稱男正位乎外女正位乎內男女正天地之大義也古先哲王莫不明后妃之制順天地之德故二妃嬪嬙虞道克隆任姒配姬周室用熙廢興存亡恒此之由春秋說云天子十二女諸侯九女考之情理不易之典也而末世奢縱肆其侈欲至使男女怨曠感動和氣惟色是崇不本淑懿故風教陵遲而大綱毀泯豈不惜哉嗚呼有國有家者其可以永鑒矣漢制帝祖母曰太皇太后帝母曰皇太后帝妃曰皇后其餘內官十有四等魏因漢法母后之號皆如舊制自夫人以下世有增損太祖建國始命王后其下五等有夫人有昭儀有婕妤有容華有美人文帝增貴嬪淑媛脩容順成良人明帝增淑妃昭華脩儀除順成官太和中始復命夫人登其位於淑妃之上自夫人以下爵凡十二等貴嬪夫人位次皇后爵無所視淑妃位視相國爵比諸侯王淑媛位視御史大夫爵比縣公昭儀比縣侯昭華比鄉侯脩容比亭侯脩儀比關內侯婕妤視中二千石容華視眞二千石美人

視比二千石良人視千石

魏志

武宣卞皇后琅邪開陽人文帝母也本倡家

魏書曰后以漢延熹三年十二月己巳生齊郡白亭有黃氣滿室移日父敬侯怪之以問卜者王旦旦曰此吉

也祥年二十太祖於譙納后爲妾後隨太祖至洛及董卓爲亂太祖微服東出避難袁術傳太祖凶問

時太祖左右至洛者皆欲歸后止之曰曹君吉凶未可知今日還家明日若何面目復相見也正

使禍至共死何苦遂從后言太祖聞而善之建安初丁夫人廢遂以后爲繼室諸子無母者太祖皆

令后養之文帝爲太子左右長御賀后曰將軍拜太子天下莫不歡喜后當傾府藏賞賜后曰王自

以丕年大故用爲嗣我但當以免無教導之過爲幸耳亦何爲當重賜遣乎長御還具以語太祖太

祖悅曰怒不變容喜不失節故是最爲難二十四年拜爲王后策曰夫人卞氏撫養諸子有母儀之

德今進位王后太子諸侯陪位羣卿上壽滅國內死罪一等二十五年太祖崩文帝卽王位尊后曰

王太后及踐阼尊后曰皇太后稱永壽宮明帝卽位尊太后曰太皇太后黃初中文帝欲追封太后

父母尚書陳羣奏曰陛下以聖德應運受命創業革制當永爲後式案典籍之文無婦人分土命爵

之制在禮典婦因夫爵秦違古法漢氏因之非先生之令典也帝曰此議是也其勿施行以作著詔

下藏之臺閣永爲後式至太和四年春明帝乃追謚太后祖父廣曰開陽恭侯父遠曰敬侯祖母周

封陽都君及恭侯夫人皆贈印綬其年五月后崩七月合葬高陵

魏志后妃紀

卞皇后性儉約又以國用不足減損御食諸金銀器物皆去之東阿王植太后少子最愛之後植犯

法爲有司所奏文帝令太后弟子奉車都尉蘭持公卿議白太后太后曰不意此兒所作如是汝還語帝不可以我故壞國法及自見帝不以爲言裴松之按文帝夢磨錢欲使文滅而更愈明以問周宣宣荅曰此陛下家事雖意欲爾而太后不聽則太后用意不得如通志帝此書所言也系畧

文昭甄皇后中山無極人明帝母漢太保甄邯後也世吏二千石父逸上蔡令后三歲失父後天下兵亂加以饑饉百姓皆賣金銀珠玉寶物時后家大有儲穀願以買之后年十餘歲白母曰今世亂而多買寶物匹夫無罪懷寶爲罪又左右皆饑乏不如以穀振給親族鄰里廣爲恩惠也舉家稱善卽從后言建安中袁紹爲中子熙納之熙出爲幽州后留養姑及冀州平文帝納后於鄴有寵生明帝及東鄉公主延康元年正月文帝卽王位六月南征后留鄴黃初元年十月帝踐阼踐阼之後山陽公奉二女以嬪于魏郭后李陰貴人並愛幸后愈失意有怨言帝大怒二年六月遣使賜死葬于鄴明帝卽位有司奏請追諡使司空王朗持節奉策以太牢告祠于陵又別立寢廟魏志后妃紀

文昭甄皇后以漢光和五年十二月丁酉生每寢寐家中髣髴見如有人持玉衣覆其上者常共怪之后自少至長不好戲弄年八歲外有立騎馬戲者家人諸姊皆上閣觀之后獨不行諸姊問之后曰此豈女人之所觀邪九年歲喜書視字輒識數用諸兄筆硯兄謂后曰汝當習女工用書爲學當作女博士邪后答言聞古者賢女未有不學前世成敗以爲己誠不知書何由見之鄴城破紹妻劉及后共坐皇堂上文帝入紹舍見紹妻及后后怖以頭伏姑膝上紹妻兩手自搏文帝謂曰劉夫人

云何如此令新婦舉頭姑乃捧后令仰文帝就視見其顏色非凡稱歎之又說文帝初入有婦人被髮垢面垂涕立紹妻劉後

帝問之劉答是熙妻顧覽髮髻

以袖拭面其貌絕倫遂見納焉

姑謂后曰不憂死矣文帝遂迎納之甚有寵生明帝及東鄉公主皇

初二年以怨望賜死明帝卽位追諡

通志帝

參用

文德郭皇后安平廣宗人也祖世長吏

魏書曰父永官至南郡太守諡敬后母姓董氏卽堂陽君生三男二女長男浮高唐令次女昱次卽后后弟都弟成后以

漢中平元年三月乙卯生生而有異常

后少而父永奇之曰此乃吾女中王也遂以女王爲字早失二親喪亂流離沒

在銅鞮侯家太祖爲魏公時得入東宮后有智數時時有所獻納文帝定爲嗣后有謀焉太子卽王

位后爲夫人及踐阼爲貴嬪甄后之死由后之寵也黃初三年將登后位文帝欲立爲后中郎棧潛

上疏諫文帝不從遂立爲皇后青龍二年春后崩于許昌以終制營陵三月庚寅葬首陽陵西

魏志后如紀

初甄后之誅由郭后之譖及嬪令被髮覆面以糠塞口文帝遂立郭后使養明帝甄后臨沒以帝屬

李夫人帝立李夫人密啟甄后見譖之禍不獲大斂被髮之事帝哀恨流涕心常懷忿數問甄后死

狀於郭后后曰先帝自殺何以責問我且汝爲人子可追讎死父爲前母枉殺後母邪明帝怒遂逼

殺之勅殯者使如甄后故事

通志帝

參用

明悼毛皇后河內人皇初中以選入東宮明帝卽位以爲貴嬪太和元年立爲皇后景初元年以愛

弛賜死加諡葬愍陵

通考帝

通志

初明帝爲王始納河內虞氏爲妃帝卽位虞氏不得立爲后太皇太后慰勉焉虞氏曰曹氏自好

立賤未有能以義舉者也然后職內事君聽外政其道相由而成苟不能以善始未有能令終者也殆必由此亡國喪祀矣虞氏遂絀還鄴宮帝之幸郭元后也后愛寵日弛景初元年帝游後園召才人以上曲宴極樂元后曰宜延皇后帝弗許乃禁左右使不得宣后知之明日帝見后后曰昨日游宴北園樂乎帝以左右泄之所殺十餘人賜后死

魏志后紀

明元郭皇后西平人也世河右大族黃初中本郡反叛遂沒入宮明帝卽位甚見愛幸拜爲夫人帝疾困遂立爲皇后齊王卽位尊后爲皇太后后稱永甯宮直三主幼弱宰輔統政與奪大事皆先咨啟於太后而後施行母丘儉鍾會等作亂咸假其命而以爲辭焉景元四年十二月崩五年二月葬高

平陵西

通志通考並同

魏后妃之家雖云富貴未有若哀漢乘非其據宰割朝政者也鑒往易軌於斯爲美追觀陳羣之議棧潛之論適足以爲百王之規典垂憲範乎後葉矣

陳壽評

魏志后紀

魏制天子册后以皮馬庭實加穀珪齊王正始四年立后甄氏其儀不存

通考帝系考

高貴鄉公死太后臨朝甘露五年羣公奏太后曰殿下聖德光隆甯濟六合而猶稱令與藩國同請

自今殿下令書皆稱詔制如先代故事

魏志少帝紀

北宮皇太后居

嘉平六年紀注

魏志裴注

西宮

魏略遣使授齊王璽綬出就西宮甘露五年太后令有欲入西宮殺吾云云時太后亦居西宮

黃初三年詔曰婦人與政亂之本也自今以後羣臣不得奏事太后后族之家不得當輔政之任又不得橫受茅土之爵以此詔傳後世若有違背天下共誅之

魏志文帝紀

右魏后妃

先主甘皇后沛人也先主臨豫州往小沛納以爲妾先主數喪嫡室常攝內事隨先主於荊州產後主值曹公軍至追及先主於當陽長阪于時困偪棄后及後主賴趙雲保護得免於難后卒葬于南郡章武二年追諡皇思夫人遷葬於蜀未至而先主殂隕丞相亮上言皇思夫人履行修仁淑慎其身大行皇帝昔在上將嬪配作合載育聖躬大命不融大行皇帝存時篤義垂恩念皇思夫人神極在遠飄颻特遣使者奉迎會大行皇帝崩今皇思夫人神極以到又梓宮在道園陵將成安厝有期臣輒與太常臣賴恭等議禮記曰立愛自親始教民孝也立敬自長始教民順也不忘其親所由生也春秋之義母以子貴昔高皇帝追尊太上昭靈夫人爲昭靈皇后孝和皇帝改葬其母梁貴人尊號曰恭懷皇后孝愍皇帝亦改葬其母王夫人尊號曰靈懷皇后今皇思夫人宜有尊號以慰寒泉之思輒與恭等案諡法宜曰昭烈皇后詩曰穀則異室死則同穴

禮云上古無合葬中古後因時方有

故昭烈皇后宜

與大行皇帝合葬臣請太尉告宗廟布露天下具禮儀別奏制曰可

蜀志后妃紀

先主穆皇后陳留人也兄吳壹少孤壹父素與劉焉有舊是以舉家隨焉入蜀焉有異志而聞善相者相后當大貴焉時將子瑁自隨遂爲瑁納后瑁死后寡居先主旣定益州而孫夫人還吳

漢晉春秋曰先